



Inuit Ataqatigiit, Kattusseqatigiit Partiiat, Atassut, Demokraatit

Suleqatigiinnissamut isumaqatigiissut

**Qaasuitsup Kommunia tassaasoq pisortaniit sullissinikkut
innuttaasunut toqqissisimanartoq suleqatigiit pingaartippaat**

1. Kommunimi aningaasaqarneq imminut nammassinnaasunngorteqqinneqassaaq.

- 1.1 Allaffisornermi kiffartuussiviit imminnut suleqatigiissut ataqatigiittullu pilersinneqassapput.
- 1.2 Ataavartumik aningaasaqarneq ilisimatitsissutigineqartassaaq ukiumiillu ukiumut nalilersuineq ersarissoq pisassaaq. Paasissutissallu tamakkua katersorlugit ineriartortinneqassapput, sanaartornermut, ingerlatsinermut allatigullu siumut pilersaarutitut missingersuusiordermi nalilersuinermi qissiminneqartuassammata.
- 1.3 Immikkoortortaqarfanni aningaasatigut atuineq ersarissumik nalunaarusiorfigineqartassaaq, aningaasat sumut atorsimanagerat qanorlu atuitigineq ersarissarneqartassalluni. Kiisalu pilersaarutit tulliuttut ilisimatitsissutigineqartassapput.
- 1.4 Suleqatigiinni isumaqatigiissutigineqarpoq kommunimut akileraarutip ingerlaavartumik ukiukkaartumillu naliliiffigineqartarnissaa.

2. Suliffissaaleqineq annikillisarneqassaaq, ilinniartitseqqiinikkut, pinginnaangorsaaqqiinikkut, suliffissanullu nutaanut aqqutissiusinikkut, tassani Kommuuni, Naminersorlutik Oqartussat, innuttaasullu suliami pingaarnertut suleqatigiissapput.

- 2.1 Qaasuitsup Kommuniani suliffissaaleqineq pillugu iliuusissamik pilersaarusiortoqassaaq, sumiiffigisami sulisut peqatigalugit, taamatullu Nunaqarfimmi aqutsisut peqatigalugit, suliffigisaanni pilersaarusiortoqassaaq.
- 2.2 Suliffissanik periarfissaareersunik kommunimullu aningaasartuutitigut naleqanngitsumik Namminersorlutik Oqartussanit, atuisunillu pilersinneqartunik ujartuinerunissaq qaffassarneqassaaq, iliuuseqarnermilu kommuni aallarnisaanermut siuttuussaaq.

3. Uuliasiornermi ineriartorneq taamatullu aatsitassarsiornermi pilersaarutit siornerlugit piareersaatit annertusarneqassapput.

- 3.1 Namminersorlutik Oqartussat peqatigalugit, piaartumik aallartittumik uuliasiornermi pilersaarusiorneq sukkatsisarneqassaaq.
- 3.2 Aatsitassarsiorneq pillugu Namminersorlutik Oqartussat peqatigalugit pilersaarusiorderit ingerlanneqassapput.
- 3.3 Uuliasiornermi aatsitassarsiornermilu ingerlatsisut qanimut suleqatigalugit, kiffartuussinerit annertunerusut, Qaasuitsup Kommuniani innuttaasunit ingerlanneqarnerunissaat anguniarneqassaaq.

4. Kommune tamakkerlungu sanaartugassatigut unittoortoqannginnissaa pingaartinneqassaaq.

- 4.1 Kommuniusimasut Kommuneplan-ii, allamik taaserneqarnissamik tungaannut, atuuttut naatsorsuutiguneqassapput, pilersaarusiordermilu tunngavigineqarallarlutik.
- 4.2 Piaartumik Kommuneplanimik nutaamik ukiunut qulinoortumik sanasoqarnissaa anguniarneqassaaq.
- 4.3 Namminersorlutik Oqartussat sanaartornermut suliariumannittussarsiusinermi inatsisaat malinneqassaaq.

5. Inunnik isumassuinermi anguniakkat pitsaasut pilersitsiterneqassapput.

- 5.1 Utoqqaat atugaasa nalimmassarneqarnissaat pingaartineqassaaq. Pinaveersaartitsinermi, Innarluutilinnut, Utoqqarnut ilaqutariinnullu pisariaqartitsisunut tunaartassanik politikkilliornerit pineqartut qanimut suleqatiginerisigut inerisarneqassapput.
- 5.2 Inuuneritta

Pinaveersaartitsinermi ataatsimiitsitaliat, illoqarfinni nunaqarfinnilu tamani pilersinneqassapput, qulakkeerniarlugu pinaveersaartitsinermi suliniutit innuttaasut peqatingalungit ingerlaavartinneqarnissaat.

Meeqqanik inuusuttunik ilaqutariinnillu suliniarnermi siusinaartumik iliuuseqartarnek/tidlig indsats illoqarfinni nunaqarfinnilu tamani ingerlanneqassapput.

- 5.3 Angalagasuartartussat / Rejsehold.
Nukinik katersuiffik - Resorcecenter, taassumalu ataani ikiuigasuarsinnaasoq pilersinniarneqassooq, angalagasuartartussat inulerinermik piginnaasallit Qaasuitsup kommuniani pigeriikkangut atorlugit.
- 5.4 Ilaqutariinnut sullissiviit
Qaasuitsup kommuniani meeqqanik, inuusuttunik ilaqutariinnillu sullissiffiit nalunaarsorneqassapput, aammalu siunertaat suleriaasiilu assigiissarneqassallutik, suliniarfiit taakkua ilaqutariinnut sullissiffittut/familiecenter -itut inissikkiartuaarneqarnissaat siunnertaralungu, taassuma ataani Qimarnuiit qanimut suleqatigineqassallutik.
- 5.5 Aningaasalersuineq
Siunertat aningaasaliiffigisariaqartut qanoq ilillutik aningaasaliiffigineqarnissaat pilersaarusioneqassaaq, aningaasaliisarfiit avatitsinnit soqutiginnikkaluttuinnartut qanimut suleqatiginerisigut.
- 5.6 Suliffissaqartitsiniarneq/pisortatigoortumik ikiorsiissutit, Inunnik isumaginninnerup iluani Pisortatigoortumik Ikiorssiissutinik aammalu suliffissaaleqisunik, sulisitsiniarnermi aningaasaliissutit, taakkualu ataanni suliffissaaleqinermi aningaasat tigusartakkat /arbejdsmarkedsydelse, ataavartumik suliffissaqartitsiniutissanik siunertaqartumik tunngavilerlugit ineriartortinniarneqassapput. Suliffissaqartitsiniarnermi Inuussutissarsiornermilu ataatsimiititaliaq peqatigalugu.
- 5.7 Suliniutit killiffiat ingerlariaqqinnissarlu.
Inunnik isumaginninnermi suliniutit assigiinngitsut ataatsimut siunertaqaraluarlutik immikkuullaarissumik ingerlaartut nalilersorneqassapput, inulerisut peqatigalungit. Nalilersuinermi pingaartumik isiginiarneqassapput sukut ataqatigiinnerusumik suliniutit ilusilersorneqarsinnaanerit, aamma illoqarfiit ataasiakkaat akornanni.
- 5.8 Ukiuni tulluuttuni anguniagassat 2010, 2011, 2012:

Qaasuitsup kommuniani illoqarfinni tamani Ilaqutariinnik sullissiffiit pilersikkiartuaarneqarnissaanik tulleriarineq, taasumalu ataani siunertap illutassaanik pilersitsiartuaarneq, Kommunip Namminersorlutik Oqartussat aammalu aningaasaateqarfiit aningaasaleeqataasinnaasut suleqatiginerisigut.

6. Innuttaasunut sullissineq neqerooruteqarnerlu innarlernaveersaarneqassapput.

- 6.1 Kommunerujussuit pilersinneqarneranni quleqquttaq pingaarneq tassa; Inuk qitiutillugu kommunimi sullissineq, Qaasuitsup kommuniani sullissinermi pingaartinneqarpoq.
- 6.2 Ileqqutoqqat ileqqullu pisariaqavissut ullumikkumut naleqqussarneqassapput, ileqqullu inuiattut, inerisarsimassutsikkut – porsarsimasutsikkut (kultur) pingaartitatsinniittut ataqqineqassapput. Ersarissarneqarlutillu; innuttaasut peqatigalugit soorlu innuttaasut peqatigalugit pingaartitat ersersinneqassapput saqqumilaartinneqarlutillu.
- 6.3 Ullumikkut Kommunip Attumiit Siorapalummumut tamakkiisumik sullisinera nalilersorneqassaaq.
- 6.4 Qaasuitsup kommuniani innuttaasunik sullissinermi iliusissamik pilersaarusiortoqassaaq ataatsimut isiginnittumik. Pilersaarusiornermi innuttaasut oqartussaaqataa nerat qulakkeeqqajuarneqassaaq. Kiisalu innuttaasunut paasissutissanik siammarterineq tamakkiisumik anguniarneqassaaq.
- 6.5 Akileraartarnermut Inuunerinnerunissamullu Isumalioqatigiisitap aamma Angallannermut Isumalioqatigiisitap isumaliutissiissutaat nalilersorneqassasut.

7. Kultur-kut, atuartitaanikkut sunngiffimmilu sammisassaqtitsinerit nalimmassarneqassapput.

- 7.1 Kultur-ikkut immikkuullarissutut pigisatsinnut, illersuinerput annertusarneqassaaq.
- 7.2 Unnukkut atuartitsinermi aallarnisaatitut anguniarneqassaaq Inuit Culture Center-imik pilersitsinissaq siunertaralugit qaanniorneq, inuiattut atisavut, qimussernermut, igariaatsitsinnillu aaqqissuussaasumik, tammattaaliinermi aqutsivimmik.
- 7.3 Qimmit qimussertartullu atugaasa pitsanngorsarneqarnissaat siunertaralugu qimussertartut peqatigiiffii suleqatigineqassapput.

- 7.4 Ilinniartitsisunik amigaateqarnermi pissutaasut tunngavissior-nissat.
- 7.5 Atuarfiup siulersuisui suleqatigalugit sumiiffinni tamani kulturikkut pingaartitavut meeqqat atuarfini atuartitsissutigineqarnissaat qulakkeeqqajuarneqassaaq.
- 7.6 Iliniagaqartut suliffinnillu sungiusaammik sulisinnaanerat Atorfillillu suliuunnaariataartarnerinut sillimaniarneq periarfissiuunneqassaaq.
- 7.7 Atuartitsinikkut atuarfeqarfinni pisortaanerit suleqatigiisillugit ullumikkut killiffissiuineq pisariaqarpoq, nalunaarusiorlugu områdeni suut ajornartorsiutaanersut qanoq qaangerniarneqarsinnaanersut, suullu suliniutigineqarnerisut. (ilinniartitsisussaaleqineq)
- 7.8 Atuarfitalammut peqqussutip nalilersorneqarnera aallaavigalugu Qaasuitsup kommuniani atuarfiit nalimmassarneqarnissaat pingaartinneqassaaq.
- 7.9 Angalallutik ilinniartitsisut misilittangaat atorlugit Qaasuitsup kommuniani ilinniarsimasunik ilinniartitsisussaaleqineq akiorniarneqassasoq.
- 7.10 Ilinniartitsisussaaleqiner-mi – napparsimasoqarnerani – sulinngiffeqar-toqarneraniluunnit utoqqartatta atuarfinni atorluarneqarnerunissaat aqqutissiuunneqassaaq.
- 7.11 Qaasuitsup Kommuniani GU annertusarneqarnissaa suleqataaffigineqassaaq.

8. Allaffissornikkut aningaasanik aqutsineq nakkutigeqqissaarneqassaaq.

- 8.1 Aningaasanik nakkutiginninneq tassaassaaq inatsisinik tunngaveqarluni sulineq.

9. Inuussutissarsiutit takornariaqarnerlu.

- 9.1 Inuussutissarsiornermi siuarsaaneq ingerlaavartumik ineriartortinneqarnissaa qulakkerniarlugu, aningaasanik immikkoortitsisoqartassaaq, taamatullu immikkoortortaqarfinni sullissiviit nukittussarneqassapput.

- 9.2 Tunisassiorfiit nunami uninngasut pilerseqqinnissaat, piaartumik innuttaasut, Namminersorlutik Oqartussallu peqatigalugit sulissutigineqassaaq.
- 9.3 Inoqarfinni tamani qularnaatsumik ineriartortitseqqinnissaq qulakkerniarlugu piginneqatigeeriaaseq 'cooperative' paasisitsinia-anikkut, aqutissiuunneqarlunilu ingerlariaaseriniarneqassaaq.
- 9.4 Takornariaqarnermik sullissineq pitsaasumik ingerlareersoq, nangillugu Qaasuitsup Kommunimi sullisserusuttunut ataqatigiissaagaasumik periarfissiisoqassaaq.
- 9.5 Takornariartitseqatigiiffiit, Qaasuitsup kommuniani innuttaasunik atorluaanerunissaat sulissutigineqassaaq, tassani soorlu GU annertuumik suleqatigineqartariaqarluni.

10. Pisuussutininik uumassusilinnik atuineq.

- 10.1 Pisuussutininik uumassusilinnik killilersukkanik atueqatingiinnek, taamatullu tamanut naammanginartumik neqissaqarniarnerup siammasissumik inissisimanissaa tunngavigalungu sulisoqassaaq.
- 10.2 Pisuussutininik uumassusilinnik pigisatsinnik uagutsinnut pilersornerput sapinngisamik annertusarneqarnissaa suleqataaffingineqassaaq.
- 10.3 Kommuni tikilluaqqusisoq sullivinnik pilersitsiffigissallugu pilerinartunngorsarneqassaaq ineriartortitsinermilu avataaniit aningaasaliisinnaasut atorluarlugit eqqumaffigineqartassapput, Soorlu talittarfimmik, misissuisarfinnik ilinniartitaanermi pitsanngoriaataasinnaasunik, sullissivinnik Allatingullu atorfiisaqartittanik eqaatsumik aaqqiipallattarnissaaq siunertaralugu.

11. Aalisarnermi ineriartorneq aalisartut kattuffiat naalakkersuisullu anguniagaat peqatigalugit ineriartorteqqinneqassaaq:

- 11.1 Uumassusilinnik Inuussutissarsiuteqarnerup ineriartorteqqinneqarnera, tamatumani naleqqussarneq kiisalu piunasaqaatit niivernikkut tunisassiornikkullu naleqqussarfigineqassapput.
- 11.2 Uumassusilinnik Nunatsinni kommunit akunneranni immitsinnut pilersornissatsinnut aqutissiuusseqatigiinnissaq.

- 11.3 Piniakkat assigiinngitsut siunissamut iliuusissanik qanorlu piniartoqarnissaanik ineriartortitseqqatigiinneq piniartut, atorfillit kattuffiit kiisalu Politikerit akornanni.
- 11.4 Aalisarnikkut pissutsit pitsanngorsarnissaat pillugu namminerisamik, Kommunemi Suliffissuaatillilu peqatigiilluta Biolog-qalernissamik sulissutiginnittoqassaaq.
- 11.5 Aalisakkat piniakkallu pillugit killilersuisoqassatillugu, kikkunnit tamanit peqataaffigineqartumik, piffissaq sioqqutingaatsiarlugu ilisimatitsisoqartarnissaa kommunimi pingaartinneqassaaq.

12. Inissialiorlduni sanaartorneq inissaaleqiffiusuni Annertusarneqassaaq.

6. December 2010 Suleqatigiit ataqpeqatiginnermik pingaartitsisut periuitsit makku isumaqatigiissutigaaat.


Suleqatigiit ataatsimoorlutik taaseqatigiittarnissamik isumaqatigiipput.

Suleqatigiinnissami isumaqatigiissut atsiorneqarpoq Ulloq: 06.12.2010


Atassut:


Timooq Mølgaard


Demokraatit:


Ane Lone Bagger

Kattusseqatigiit Partiaat:


Knud Fleischer

Inuit Ataqatigiit:


Bendt B. Krestiansen